

E noonoo i ke kanaka hemolele,
E nana hoi i ka mea ku pono,
No ka mea, o ka hope o ua kanaka la, he
pomaikai no ia, Halelu, 37. 37.

Aole wahi kaawale ma keia pepa,
e hoike nui aku i ke ano o ko Wini
noho ana a me kana hana ana ma
keia pae aina. Ma kela Elele paha
ia. O Wini kekahi o ka poe kumu
mua loa, nana i lawe mai i ka olelo
a ke Akua, i keia pae aina: i ka
mak. 1820, a i ka la 31. O Malaki
ko lakou pae ana mai. He wa naau-
po loa ia, a ua popilikia ko lakou
noho ana i kinohou. Holo koke o
Wini ma laua me Keiki i Kauai, a
noho ma Waimea; a he 25 makahiki
o ko Wini hooikaika ana i ka hana
a ka Haku malaila, me ka hoomana-
wanui i kolaila wela, a me ka naau-
po o na kanaka, a me ka pilikia o ke
kino, a me mai o kana wahine, a
me ka luhi, a me na kaumaha, he
nui wale. Aka hoi, ua pau kana
hana, a me kona luhi; ua hele aku
ia e noho me ke Keikihipa, iwaena
o kona nani.

Aloha ino o Winiwahine, a me
ka laua kaikamahine! Mehameha
laua e noho nei, me ka nawaliwali
o ke kino kekahi; aole nae i ino ka
manao. Ua oluolu ia, no ka mea,
na ke Akua i haawi mai i ko laua
hoaaloha, a nana no hoi i lawe aku;
ua hemolele kana.

HE KANIKAU NO REV. S. WINI KUMU MISIONARI MA KAUAI.

Kalihi, Oahu, Dek. 25, 1845.

Ua make o Wini kekahi pua na Levi.
He laau fiku kamahao ia,
Nani kona ulu ana ma Hawaii nei;
Iwakaluakumamalina makahiki o kona ulu
ana maanei,
Maikai ohaha kona kino,
Nupanupa uliuli kona lau,
Nemonemo maikai kona hua.

Ua ono loa kona hua ke aia,
Aohe mea like me ia ma Hawaii nei.
He laau kahiko loa keia,
Ua poohina kona lau,
Ua minomino kona ili;
Aka, o kona hua, ua momona loa,
Ua like me ka wai huihui o uka lilo,
Me he waikaha la hoi o kahawai,
A me na wai kulu hoi iloko o ke ana.
Aloha ka ua lele makani o Lehua,
A me ka ua kualau o Niuhau;
Ke nence mai la la i ka pue uala,
He hanehane leo loa maikai i ke aumoe.
Aloha kuu hua ae ale o na kai ewalu,
Kuu hoapili i ke anuanu me ke koekoe,
Kuu hua ohumu o kahi mehameha,
Hoe hoolau kanaka o kahi kanaka ole.
Aia paha oe ma na mauna o Sinai,
Mauna o Hora, a me Horeba.
Ua noho oe ma Petasemesa,
Hiki aku la oe ma ke Kaik. o Sueza.
Pii aku la oe ma ka mauna o Sinai.
Noho iho la oe ma ka mauna o Iuda,
Oli ae la oe ma ka mauna Oliveta,
Hele ae la oe ma ua wahi papu o Sitima.
Paina aku la oe ma ka mauna Abarima,
Hosana ae la oe ma ka mauna o Eperaima.
Kanikau ae la oe ma ka mauna o Gilead.
Holoholo ae la oe ma ka mauna o He-
mona,
Honi ae la oe i ke ala o ka mauna o Le-
nona,
Komo aku la oe i Palesetina,
Hiki aku la oe i Ierusalem,
Noho pu me na anela ma ka lani,
E hoomanao ia makou nei,
Haila mau kakau e noho ai,
A mau loa aku me Iesu.

Na I. I. NAILIHI.

NA LIL. I ka la 20, pae iuka na
ma Lahaina; kani koke mai na pu ala
no ka Moi. I la Sabati iho, hele nui na
a pau loa i ka pule. He pono ia; ina
le mau loa ka Moi a me kona puhi
hale o ke Akua i ka la Sabati, ina ua
oli ka naau o ka poe pono, a he mea
ia e pono ai keia Aupuni. Pono ole
manao, ke hele ole ka Moi a me na
pau i ka hale o Iehova.

I ka la noa ne, hora 10, haele nui
kanaka o Lahaina, e ike i ka Moi; o
baole kekahi; o na kumu me na haumana
o ke Kulanui kekahi; pau loa he 1500
poe hele e ike i ka Moi, iloko o kona hale.